

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Specimen Inaugurale Academicum, Sistens Luem
Animarum Boehmisticam, ubi ostenditur, quanto cum
animarum periculo Jacobi Boehmii, Sutoris Görlizensis,
scripta planè fanatica vel amentur & legantur, ...**

Wild, Adam

Altdorfii, 1705

§. XI

urn:nbn:de:bsz:31-105875

exigit studium aut laborem, præfertim quando alii sua deliria per tale instrumentum divendere velint; informatum enim esse à *Chymicis, Paracelsicis, & Rob. Fludd*, cui secundum Tomum Operum *Bæhmii* dedicavit, omnibus haud ignotum est.

§. XI. Consideratis motibus de *Bæhmio* ejusq. scriptis anterioribus, horumq; refutationibus, quæ, sicut *Calovii & Wagneri* scriptis non suppressa sunt *Bæhmii* deliria, sed quorundam pertinaciâ potius sumferunt augmentum: ita ergo ad hodiernas in Ecclesiâ lites, immensam excitantes inquietudinem, non parum contribuerunt. Nostra, age, brevibus percurramus tempora, *Bæhmicolarum*, aliorumque fanaticorum feracissima. *M. Joh. Jac. Zimmermannus*, Diaconus *Württembergicus*, vir aliàs *Mathematicarum* scientiarum peritissimus, à quodam vicino, etiam Pastore, seductus, cum hic officio propter fanatica, passim dispersa, dogmata privatus esset, indignatione rei, ut ipse putabat, iniquæ commotus, publicam *Chiliasmum*, proximè imminentis, defensionem suscipit, sub alieno licet nomine (quod tamen per *meta-Physicæ* literarum proprium ipsius nomen prodebat) nempe *Ambrosii Seemanni* von *Campez*, libello hanc adposuit rubricam: *Wuthmassige Zeit-Bestimmung gewiß gegenwärtiger beedes göttlichen Gerichten über das Europæische Babel und Anti-Christenthum jehigen Seculi, als auch hierauf erfolgenden herrlichen Aufgangs des Reichs Christi auf Erden, an. 1684.* Existimat *Dn. D. Fechtius*, Propater & Præceptor meus ad ætatem usque venerandus, facem & tubam multorum exitialium motuum, qui primùm in *Württembergico*, post *Hamburgi* omnes ferè status hierarchicos conturbârunt, illum virum fuisse, nec tantum suboriri potuisse periculum, cui ignem hic non subjecisset. In Ducatu enim *Württembergico*, cum amicam cum ipso colloquium oblibrum, sine censurâ editum, & *Chiliasmum* in *Aug. Confess. Art. XVII.* rejectum, cujus defensionem præcipuè annexum erat periculosissimum

Nec hodierno die sopiti sunt infelices motus Bæhmiani.

num illius placitum de Prophetis, adhuc hodiè immediatè à Deo illuminatis, nominatim *Bæhmio*, aliisque, ut testatur *D. Georg. Henr. Haberlinus* b.m. in *Refutat. Scemannii pref.* circa medium, habitum esset, ipseque assertiones suas rejicere nollet, an. 1685. officio dejectus, primum Heidelbergam, ubi lectiones *Mathematicas* privatim habuit, donec, cum an. 1688. sub autumnum funestum istud bellum Gallicum, quod eheu! nondum deserbuit, omnes Rheno propinquas terras, igne ferroque devastasset, *Francofurtum* concessit: Ubi haud diu commorabatur, sed optimam amebat occasionem, unâ cum *D. Hinckelmanno*, ad pastorum Ecclesiae Catharinianæ, *Hamburgum* vocato, eò proficiscendî, ac veniebat tum Rostochium, Disciplinis *Mathematicis* juventutem imbuturus. Fiebat brevi post, ut & *Horbio*, Pastori Hamburgensi, cum quo familiariter versabatur, benigniorem de *Bæhmio* opinionem affricaret, & *Rev. Ministerium Hamburg.* de puritate doctrinæ *Horbianæ* suspicari inciperet; unde nata infelices turbæ illæ Ecclesiam Hamburgensem aliquot annis afflixerunt; unde varia variarum Academiarum, Ministeriorum & Theologorum judicia de *Bæhmio*, ejusque scriptis, conquisita, & in lucem evulgata sunt; unde tot tantæque, cum inter Theologos nostros, tum inter hos & *Bæhmistas* contentiones atque controversiæ.

Non consentiunt in *Bæhmio*, *Bæhmianis*q; scriptis defendentibus *Bæhmicola*.

§. XII. Colitur *Bæhmus* à suis, licet in honore, ipsi deferendo, non consentientibus, quorum alii *Jacob. Bæhmium* testimant novissimè temporis verissimum, & immediatum Prophetam, hunc ipsum in finem extraordinariè illuminatum & missum, ut mysteria, antè nunquam revelata, revelaret, quæ autem jam revelata fuerant, aliis novis illustrationibus illustraret & confirmaret: ut proinde scripta ejus haud alio in pretio atque honore habenda sint, atque scripta Codicis sacri ipsa, divinitus inspirata; quæ quicumque in dubium vocet, aut pro fanaticis erroneisve traducat, peccatum in Spiritum S. committat: Si verò quicquam in scriptis